

## Aduertencias para

Angelus, Tabiena, & Armilla, & est communis Thomistarum & aliorum Doctorum opinio, vt Syluester & alij testantur, qui constanter affirmant se iure & absq; vilo conscientiae scrupulo hanc opinionem esse practicandam & seruandam. Quam etiam tanquam probabiliorem & omnino securam, vt dicit noster Frater Pater Emanuel ipse sequitur. Et inter alias & efficaces quas ad hoc probandum adducit rationes, tertio loco corroborat & confirmat. Quia Papa in praedicta facultate non habuit respectum ad constitutiones Episcoporum, quae secundum temporum diuersitatem & varia loca variantur, & reuocantur. Tum etiam, quando Pontifex in dicta Clementina hanc potestatem Mendicantibus fecit, Episcopi plures alios casus sibi reseruatos habebant. Et confirmatur ex illa Extrauaganti. Inter cunctas de Privilegiis, in qua Extrauaganti plures casus Episcopis ex consuetudine erant reseruati quam ibi a Papa approbantur. Sed haec, quorsum obsecro? quando plura extant Mendicantium privilegia quibus non solum a casibus Episcopis reseruatis, sed etiam Summo Pontifici, absolvere possunt, vt patuit supra